



賣夢的阿媽——莊朱玉女

2015年二月十三，一個散食人的守護神，恬恬仔來離開這個世間，去天頂做神矣！伊是十籬愛心自助餐的頭家娘——莊朱玉女女士。伊的離開，留予咱無限的數念恰毋甘。

對澎湖搬過來的莊朱玉女，早期經營撞球間的生理，有儉一寡財產。伊若毋是因為救苦救難的慈悲心，一世人的食穿，絕對無問題。毋過，伊毋甘遐的靠手面趁食的艱苦人恰有手伸無路、有跔行無步的流浪漢，過彼種這頓食飽毋知後頓佇佢的生活，就發心欲做好代。伊佇高雄市設一擔愛心自助餐，予來遮食飯的人客干焦用一個銀角仔，就會當食有魚有肉閣有菜恰的一頓。這種穩了袂趁，閣愛倒貼的生理，佇台灣這個功利的社會，欲哪有人會去做咧？想袂到，阿媽伊一下賣就是五十幾冬。有真濟人攏笑伊戇，伊隨應講：「這欲按怎講咧？橫直就是人飼咱、咱飼人啦！」

有一擺，阿媽破病蹓院幾若工，囡兒序細苦勸伊規氣共自助餐收收起來，莫閣做矣，調養身體較要緊。毋過唸做別人唸、煮做伊家己煮，等袂得身體復原，就趕緊繼續去菜市仔款菜煮飯，繼續經營彼間一工收入無到五百籬的了錢生理。別人是賣田咧飼囡，莊阿媽是賣七間透天厝來幫助別人猶無夠，閣著去標會仔、做回收提來鬥。這種無求名利恰回報的心胸，世間是幾個人做會到？原來伊干焦堅持一個信念：「人愛食予飽，才有氣力通做代誌。做工仔人其他的所在食袂起，啊若無食閣會朽死。」

莊阿媽慈悲行善的真實故事，拄開始並無幾個人知影，一直到2000年，電視節目「佇台灣的故事——賣夢的老人」播出了後，逐家才知影這個為碼頭工人恰遊民恬恬付出的好人。

佇這個功利的社會當中，有人是募逐家的錢來做愛心，這個賣十籬愛心便當的莊阿媽是用家己的錢去幫助人，這才是真正咧修行啦！所以稱呼伊是賣夢的阿媽，真正是一點仔都無超過。

作者：林綉華

☆詞彙學習☆

【生理】sing-lí：生意、買賣。

【手面】tshíu-bīn：手掌。

【倒貼】tò-thiap：虧本、賠本。

【橫直】huàinn-tit/huînn-tit：橫豎、反正。無論如何。

【蹓院】tuà-īnn：住院。

【標會仔】pio-huē-á/pio-hē-á：標會。是一種民間經濟互助的組織方式，會員每個月定期集會，繳納會款，每次輪由付出最高利息的人取得該期的儲金。有內標和外標兩種方式。